

豫

章

焚

書

第五冊

張

華

英

書

卷之四

芝山詩集

芭山詩集

宜春 張自烈著

旅詩

夢謁東坡居士

平居寡朋儔東坡非我友夢中往見之出堂攜我手
攜手何所云什者遺八九方我別東坡卻步瞻門右
學士蘇爲誰到今滿人口傳說東坡狂僦屋亦無有
不知此棲遲果是故居否縱令非故居我亦欣聚首
但恨東坡慳相逢惜尊酒

秋浦舟中

江頭誰家翁揖我問寒暄我言遠遊子束裝歸故園
故園不可見忽見異鄉人各自叙疇昔鄉語粝瀾翻
相逢裁識面謹呼弟與昆人生感秋蓬卽此諧簷垣
明朝解纜去流水空潺湲

黃鵠

幽棲託粉榆子母長相暱一朝猶雲端四顧情悽惻
道逢鷺鳥羣笑我孤飛翼我翼無遐征可以逃矰弋
袁臨侯曰芑山累微不赴頗具遠識因借黃鵠自
況豈待色舉而翔集哉

賦得獨鶴凌雲去

我愛孤棲鶴望之玉光
璫長夜戛然鳴所傷非
寒餒晨興翹曾雲聊以
舒心痾神龍豈天驕無
欲乃不醢去去安所之
弋者空竚待

吳次尾曰芑山借題見
志氣格矯然無一字蹈
襲前人尤難

夢與鬼語自警

何物掬我間髭鬚作人
語曰予都幽陰罰惡惟
刀鋸我云天道昭臚疊
空詞覲君子懼人非誓
不乞鬼恕鬼退無復言
令我中懷懷男兒鑒伯
高慎勿盜虛譽劉伯宗
曰徒避鬼責畢竟是畏
禍學問到底無實

地讀君子懼人二語如聞晨鐘

感事

機槍礮天天飀電稂雨竒崩劣崩我佩含光光陸
離神騰鬼趙蛟龍鱗飢時大嚼倭臣頭渴時橫吞仇
人血排闥裂背斫妖星妖星墮地天盼暫

吳次尾曰雄憤悲壯昔人所謂驚風雨泣鬼神此
足以當之

蕩子婦

昔楚今吳些復飲妾來嫁子空踟躕終年結繩門無
樞終宵辟繡身無襦半牀欹枕餘瘦軀石婦不兒聲

誰哢一朝相見驚相呼容光黯淡魂次且簷前春色
昵清盧今日心情似舊無

吳次尾曰王子背國之恨友朋棄予之感皆寓於
此三百篇中隱比體

劉士雲計至

石城沽酒醉江東相看白眼氣長虹狂歌數疊聲摩
穹千金袒跣躑臬盧中客遊四海隨飄蓬何年重謁杜
司空丈夫少壯不立功白骨山高與君同嗟君謫名
輕氤氳蕭蕭書幌來悲風

酬嚴子岸

我從山陰來不見幽人廬與子長相思遺我夢中書
書辭四五行情好與之俱爲嘆白頭人古道何榛蕪
趙無聲集鷄鳴山待月簡同學諸子

山中一尊酒慰此風塵色皓月眠我懷清光練如拭
今夜不盡歡明朝分南北舉杯呼月來凌空生羽翼
長歌亦已狂此意誰能測

南邨園居成志賦

天地何處廬茆椽暫我假時春屋滿花時秋葉盡赭
婦子聚歡娛何必營廣廈但願無追呼終年得聊且
蘇生貽慳巷詩酬寄

我憐蘇生恒

字武子新建人以食貧流寓金陵早卒

三年客長干貽我

以一函上蟠龍與鸞發而矚視之把翫生餘歡瓊儲

苟無羸焉得被綺紈

武子每向人言貧然惟慳能固鮮衣美饌與貴介同

窮何爲空長嘆

客舍草鳴似蛩暗之

問子來依我長夜何淒鳴不愛南山隴不驚塞上塵
雍氏宿炎火遊人斷飛輪何如不平者寂寞春江濱
王季仲曰暗草卽自暗不說出憂世苦心當於古
詩十九首求之恨知希耳

在昔篇哭楊汝開

在昔范陽道與君裁片言不謂素心人古道相與敦
同巢豈無侶比翼惟鵬鷖燕臺沸笑語夜誦非非篇
汝開卽維節從子辛未春坐中目餘子平衡壁與珉
維節成進士梓非非室藝同章大力世純李仲章光倬劉師貞捷揭萬年重熙
易又尹嗣重集維節邸舍汝開論諸子生平甚詳
竭來上南離駿譽日騰謹有友覆君牘俾我射後先
覽至六七行疑君在我前操觚與君戰方期協篋塤
君獨死險隘文成鞭昆侖短刺投星署脫粟進一殮
汝開歷事行人司同一餐三拊髀愴歎盈百千君奄
余集袁臨侯思補署一辭我去我思纏煩冤云故倏乖離欸欸訊重泉遺文
苟不傳孰比金石堅跼壽顏早天所賦良奇偏悠悠

邈難測何以慰君魂

劉伯宗曰汝開賴此以傳芑山有哭袁臨侯楊機
部詩讀者皆泣下惜逸不載

喜兒就塾

埴兒角巾年出侍先生側執卷自伊吾端居忘日昃
我往撫其頂勸兒須努力兒起問阿父牀頭書幾則
答云書汗牛不讀蠹魚蝕讀書不適用空言螽蟴蟻
書能療瘡癢涉淵戒胥溺兒曰父命之庶幾古是式
拳拳以書紳寸陰良可惜

吳次尾曰視韓退之送符讀書城南詩更淵永蘊

藉

賣鬼行

黎邱神姦今昔聞矜凶挾狡苟殄殲汝癡踰躅學人

語道逢宗生謹搖唇

南陽宗定伯夜行遇鬼同詣宛市鬼化為羊定伯輒賣之宗

生給汝嬉相顧予子交擔向宛路神茶不畏畏唾餘

黃帝時有神荼鬱壘兄弟二人能簡閱百鬼之無道者執以飼虎帝乃立桃板於門畫二人像以禦鬼見

風俗通

定伯問

中衢既暎日奄暮陰飛飛光禡人

鬼何畏答云畏唾

魄隱飛一名鬼車一身九尾晦暝則飛鳴入人室收人魂氣詳見本草及韓詩外傳

汝化髯

郎趨踏踏鞭褫縹項到市門估取青蚨千五百

時人語曰

南陽宗定伯賣

鬼得錢千五百宗岱強梁與鬼鬪鬼走瞰之禍云構

岱爲青州刺史著無鬼論尋卒定伯跳身晝言歸夜

見太平廣記事與晉書阮瞻同汝潛蹤儵騰驟買者得羊將還繫之明且惟見繩在咄嗟定伯何矯虔

主人亡羊空棄錢饕兒道傍拍手笑攫錢賣鬼爭垂

涎我聞鬼姑生鬼子朝生暮吞鬼半死南海小虞山有鬼母一產

十鬼朝生之暮食之今蒼梧安得赤郭盡吞汝曹癡

有鬼姑神是也見述異記東南方有人長七丈腹圍如其長朱衣縞帶以

與姦赤蛇繞頸朝吞惡鬼三千暮吞三百名曰赤郭

一名黃父見神異經世間人鬼無復紛爾汝

吳次尾曰古賣國賣友者多矣未聞賣鬼者人能

賣鬼姦倍於鬼鬼爲人賣癡甚於人此皆事理所

無雖見搜神記特借此形容後人欺鬼貪錢要非

實事也芭山胥鬼族廢姦而併戮之天道孔昭百
怪自滅語語干城名教豈齊諧同日語哉

楊機部曰非徒斥鬼諷後世人而魅者雖竭盡機
械卒爲姦宄所賣此芭山寓言也

馴犬詩 并序

世傳宋太宗愛馴犬犬常在側帝崩犬哀嗥不食
死侍臣李至作歌紀事余謂獫狫族頗蕃高辛時槃
弧以討外服著秦襄公時天狗下鹿堡賊至則吠
而護之事誕不足信他烏龍逆料外叛智韓盧善
逐東郭兔勇黃耳繫書抵吳得咎馳還洛信自餘

碌碌而已未感恩殉節如馴犬者惜事瑣史軼
不載然戀主之誠不可令湮沒失傳也余志存闡
幽故重作馴犬詩

斗精族姓何連休走趨掖庭羣踐踐焚焚猘齕競相

逐恣娛肆恒誰能馴

恒字書謫从女作姐

君侍采愚謹惟極恩

微感重盡心憶攀髯嚙噪豈市名之死靡他熙陵側

太宗葬永熙陵

君家自昔封繁弧

世稱狗封氏

烏龍咋盧盧莫逋

滅讐殄亂俠且怪不聞報主曾捐軀阿紫歸終仍憑

彪

狐自稱阿紫歸終神獸能知來

白麟赤鳳未爲瑞

李至歌有赤鳳白麟君莫書勸

君書此懲浮俗之句維君殉節史宜書詩代董狐崇君謚

揭潛銘曰一馴犬耳芭山獨俛然君之者尊之之
辭也犬不幸不齒卿大夫之列雖忠主殉節史不
得書賴芭山是詩存馴犬庶幾不朽哉

金陵得家信

前路未可極悠悠春樹斜自憐歡事少歸去亦天涯
揭潛銘曰合旅記讀之乃知芭山出入銜恤未易
與隔膚者語聞袁臨侯先生由侍御左官南大
行偶讀此詩流涕竟日雖詩能感人亦見臨侯交
情深切休戚一體視古羊左何如哉

自遣